

پطرسؑ پیغامِ گرنلیوسؑ خانہ میانی

۳۴ پطرس خو گبانَ هَطویی شروع بوکوده و بوگفته: «من ا حقیقتَ بفهمستم کی خودا خو مردومانِ میانی هیچ فرقی ننه، ۳۵ بلکی هر قومِ میان، هر کس اونِ جا بترسه و عدالتَ به جا باوره، خودا اونِ قبول کونه. ۳۶ هَطویی کی دانیدی، خودا خو پیغامِ صلح و سلامتیِ اسرائیلِ قومِ ره توسطِ عیسیٰ مسیح، کی همه تانِ خوداوند ایسه، اوسه کوده. ۳۷ شومانِ خودتانِ جه او پيله دانه ایتفاقی که سرتاسرِ یهودیه دکفته خبر دأریدی و دانیدی کی همه یِ ا چیزان بعدِ یحییٰ تعلیم در موردِ تعمیدِ جه جلیلِ استان شروع بو بوسته. ۳۸ خودا عیسیٰ ناصریِ، روح القدسِ قوتِ امرأ مسح بوکوده، جوری کی همه جا گردستی و به نیکویی رفتار کودی و توما مِ اوشانی کی اسیرِ شیطان بید، شفا دئی، چره کی خودا اونِ امرأ بو.

۳۹ امانِ همه تانِ شاهدانِ توما میِ عیسیٰ کارانیم، کی سرزمینِ یهود و اورشلیمِ میان انجام بده. ولی او قومِ اونِ مصلوب بوکودیدی

و بوکوشتیدی. ۴۰ خودا اون، سوومی روز ره جہ مُردہ یان میان ویریزانہ و خیلی یان اون بیدہ ییدی، ۴۱ ولی نہ همه کس، بلکی شاہدانی کی خودا خودش پیشتر انتخاب بوکودہ بو. وختی عیسی جہ مُردہ یان ویریشته بو، امان همه تان اون امرأ غذا و آب بوخوردیم. ۴۲ اون امرأ دستور بدہ قوم ره موعظہ بوکونیم و آشکارا شہادت بدیم کی خودا اون داوڑ زندہ یان و مُردہ یان قرار بدہ. ۴۳ همه ی پیامبرانم هن شہادت دیہیدی کی هر کس به عیسی مسیح ایمان باورہ، اون گوناہان بخشیدہ بہ.»

۴۴ پطرس اوشان امرأ گب زئن دوبو کی روح القدس بر همه ی اوشانی کی کلام ایشنوستن دیبید، نازل بوستہ. ۴۵ توما ایمانداران جہ قوم یهود کی پطرس امرأ بمو بید، وختی بیدہ ییدی کی غیر یهودیانم روح القدس جا پور بوستید، تعجب بوکودیدی، ۴۶ چہ کی بیشنوستیدی اوشان بہ زبانان جورواجور گب زہیدی و خودای پرستش کودیدی. پس پطرس بوگفتہ: ۴۷ «ہسہ دِ چہ کسی تانہ بگہ کی اشان نتانیدی اب امرأ تعمید بیگیرید؟ چون روح القدس امی

مأنستن دریافت بوکودیدی.» ۴۸ هَنّ وستی دستور دهه اوشانَ به
عیسی مسیح نام تعمید بدید. اوشانم پطرسْ جا خواهش بوکودیدی
تا چند روزی اوشانْ ورجه بیسه.